

**Akureyrarbær**

Hr. Bæjarstjóri Eiríkur Björn Björgvinsson

Geislagötu

600 Akureyri

Akureyri 18. mars 2013

Efni: Fjárgirðing milli Akureyrarbæjar og Hörgársveitar – vatnsból Norðurorku hf.

Norðurorka hf., er að leitast við að herða alla umgjörð um vatnsverndarsvæði félagsins í takt við þá gríðarmiklu hagsmuni sem eru í húfi fyrir íbúa svæðisins og horfir í því sambandi til girðingar milli ofangreindra sveitarfélaga sem einn lið í þeirri viðleitni.

Samkvæmt upplýsingum frá starfsmönnum Akureyrarbæjar er flest fé sem smalað er af Glerárdal/Hlíðarfjalli komið norðan frá. Féð er sumarlangt á beit á þessum svæði og þar af leiðandi inn á grann- og fjarsvæðum vatnstökusvæðanna á Glerárdal og Hesjuvöllum, brunnsvæðin eru afgirt. Það er okkur ljóst að við getum ekki stýrt þessu fé, né girt svæðin af ein og sér, en við teljum að með girðingum sé hægt að draga mikið úr fjárgengd á svæðinu.

Norðurorka hf., er í þessu tilliti stór hagsmunaðili hvað varðar fjárgirðingu milli ofanefndra sveitarfélaga, þ.e. girðingu sem er upp frá Ásláksstöðum og til fjalls.

Okkur skilst að undanfarin ár hafi komið upp hugmyndir um að koma girðingunni í viðunandi horf, án þess þó að það hafi komist til framkvæmda.

Við áttum góðan og gagnlegan fund um daginn með sveitarstjóra Hörgársveitar og starfsmönnum framkvæmdadeildar Akureyrarbæjar. Skoðaðir voru ýmsir kostir með fjárgirðingu milli sveitarfélagana.

Þess er hér með óskað að umrædd girðing verði sett upp hið fyrsta eða í seinasta lagi sumarið 2014.

Með kveðju og von um árangur

Helgi Jóhannesson
Forstjóri

AKUREYRARBÆR
Mótt.: 27.03.2013
Málsnr.: 2013030385
Lykill: 11-001